

靜海縣志

戊集

人民部

文藝志下

詩歌

賦

著作

褒辭

靜海縣志

戊集

人民部

一

靜海縣志書局
天津文竹齋印

靜海縣志

人民部

文藝志

詩歌 書曰詩言志歌詠言

元

過靜海

瞿祐

古縣臨河口遺民住岸傍荒田多廢棄破室半逃亡薄薄沽來酒低低坐處牀舟人知往事相對話偏長

直沽口

袁桷

二水赴滄海客行殊未休長堤遠古戍歸棹起輕鷗雨重雲光

靜海縣志

戊集 人民部

二

靜海縣志書局
天津文竹齋印

溼天低樹色浮京塵今已洗從此問菟裘

代祀天妃廟次直沽作

張翥

曉日三義口連檣集萬艘普天均雨露大海靜波濤入廟靈風肅焚香瑞氣高使臣三奠畢喜氣滿宮袍

直沽客行

黃鎮成

直沽客作客江南又江北自從兵甲滿中原道路艱難來不得今年却趁直沽船黑洋大海波連天順風半月到閩海只與七州通賣買嗚呼江南江北不可通只有海船來海中多風少賊徒未知明年來得無

直沽謠

臧夢麟

雜遝東入海歸來幾人哉紛紛道路覓亨衢笑我蓬門絕冠蓋
虎不食堂上肉狼不驚里中婦風塵出門不險阻何況茫茫海
如許去年吳人赴燕冀北風吹人浪如砥一時輸粟得官歸殺
馬椎牛宴閭里今年吳兒求高遷復禱天妃上海船北風吹兒
墮黑水始知溟渤皆墓田勸君陸行莫忘萊州道水行莫忘沙
門島豺狼當路蛟龍爭寧論他人致身早君不見賈胡剖腹藏
明珠後來無人鑿覆車明年五月南風起猶有行人問直沽

直沽

王懋德

極目滄溟浸碧天蓬萊樓閣遠相連東吳轉海輸稗稻一夕潮
來集萬船

靜海縣志

戊集 人民部

三

靜海縣志書局
天津文竹齋印

明

撫豫軍行遇雨

邑人立 默進士

驅車到處雨隨過黯黯征塵景色和視似彼蒼心厭亂洗兵直
欲挽銀河

武關次壁韻 其一

邑人立 默進士

雨巒標舊勝風壑漾新涼趨步石盤仄牽衣紫蔓長溪流聲并
急煙遠色微茫疎竹高人隱渺如天際望

其二

夜來江上雨晨起數青螺烟重迷漁火風輕送野歌長天絕鳥
度高獻低雲過陋宇懸鞍處蕭條旅况多

直沽舟中

薛暄文清公

潮來兩岸平風順一帆輕海闊浮雲白天低野樹青久叨持斧
客非是棄繻生岱嶽行看近秋高試一登

舟次直沽簡彭彥實

邱濬文莊公

洛河澄澈衛河渾二水交流下海門直北廻看龍闕迥極東遙
望層樓昏孤城近水舟多泊列戍分耕野盡屯我有好懷無處
寫欲沽樽酒對君論

舟次直沽與寶慶謝太守

李東陽大學士

二水斜通海孤邨合抱城夜窗明月過春浦暗潮生憂國身將
遠還家夢不驚留觀有親舊羈旅見真情

靜海縣志

戊集 人民部

四

靜海縣志書局
天津文竹齋印

窮民歎

邑人陳耀進士

破屋蒼蓬茅麻衫髮髮焦到門惟有水顧地絕無苗野菜和根
食生柴帶葉燒已看貧到骨何計避征徭

過獨流

倪敬

獨流清曉發高下亂帆檣潮入雙塘淺風高孤樹忙荒祠烟火
斷遠戍角聲長男女勤生計蘆簾緝野涼

登靜海城樓

張維新

飛樓一縱目海國氣雄哉日上三山出天空五壘開樹平隨野
闊帆正入窗來咫尺津門近登臨第幾回

過靜海

曾棨

朝來過靜海歸路有三千吟几添新句行囊只舊氈水禽飛傍
客河柳遠迎船注目淮南道龍峯隔楚煙

宿靜海僧寺同侯主事

曾 棨

皇華千里客何意此相逢水郭春光早郵亭柳色濃偶因牛渚
棹來聽虎溪鐘明發孤舟別相思隔幾重

過直沽

曾 棨

近海嚴烽戍孤城雉堞雄海流千派合舟楫萬方通島嶼鯨波
外樓臺蜃氣中春來疑是錦煙綠曉霞紅

直沽舟中

宋 訥

旅思搖搖嗜晝眠舟人報是直沽前夕陽野飯烹魚釜秋水蒲

靜海縣志

戊集 人民部

五

靜海縣志書局
天津文竹齋印

帆賣蟹船詩有白鷗沙上興書無青鳥海東傳老爲聲利閑驅
遣少讀南華四五篇

夜宿獨流

張 寧

霽月中天見絳河黃流滿地漾金波荒坡野火兼漁火短棹吳
歌雜楚歌去雁已連家信遠閑鷗豈識客愁多江南二月花如
錦枉負歸期奈爾何

直沽城

王 洪

水出漁陽地山橫劍北天高樓瞰海日遠嶼入江煙市集諸番
舶軍屯列陣田風高悲鼓角霧重失旌旂匪獨關河壯由來節
概全精兵互雲朔勁氣出幽燕大漠黃塵外三韓落照前將持

定遠策不用繞朝鞭

直沽權歌三首

無名氏

天妃廟對直沽開津鼓連船柳下催醞酒未終舟子報柁樓黃
蝶早飛來

雲帆十里下津門日落潮平不見痕葦甸茫茫何處泊一燈明
處有漁邨

薜蘿楊柳綠依依糴燕橋烏立又飛賺得南人鄉思緩白魚紫
蟹四時肥

舟行丁沽

釋成衡

放溜下丁沽人家半水居淺沙分井竈小市集樵漁榆柳栽成

靜海縣志

戊集 人民部

六

靜海縣志書局
天津文竹齋印

巷茄瓜載滿輿波光浮岸闊星影入林疎土釜炊紅蟹青絲釣
白魚帆收晴過牖燈上夜翻書雲臥人爭得鷗閒我不如輕煙
遙拂岸細雨不沾裾湧沫飄行旆狂波撼太虛荒荒千里外只
此亦吾廬

春日課士喜雪

馬希周 邑教舉人

海國春寒柳未舒橋門風物亦蕭疎漸添雪色初含潤乍有晴
輝已若墟授簡可同梁苑客問奇或似子雲居自憐虛擁譚經
濟高足何人爲起予

清

宦貧

邑人 李枝長進士

本是宦情拙敢因昔蒞嫌家貧羞放利官冷豈爲廉佐食無魚
設烹茶有雪添曾聞尼父語疏水亦安恬

寄舍弟

邑人李枝長進士

我宦貧如此家貧益可知當茲賦急日正是歲荒時叔嬸事當
敬弟兄教莫遲言旋在何日兄弟樂怡怡

閣門童士羣步送至關西夫子坊口占贈別

坊在潼關
四十里

邑人李枝長進士

勞君十里步坊表在於茲不願歌三疊常期畏四知

表周孝子

邑人蕭汝默進士

慕孝頻臨孝子廬可憐負土敝齊疏傳家獨訂新城禮輯錄同

靜海縣志

戊集 人民部

七

靜海縣志書局
天津文竹齋印

翻舊讀書幾載交游期附鳳終宵聯榻勝焚魚知君灑灑思親
淚應向長江作雨且

任鞏縣令寄里門親友

邑人邊維新舉人

分袂南來感歲華風塵極目阻天涯故人寥落琴爲友宦况蕭
條夢是家別緒漫隨春草亂抱懷時傍暮雲斜鱗鴻兩地傳相
憶何日門迎長者車

題尙父祠

邑人邊之韓舉人

避世常懷濟世心非貪芳餌羨登臨傍溪鷗鷺頻來往夾岸荻
蘆任淺深自有丹書降帝佐何妨澤畔寄行吟時人那識留傳
意話作漁翁直到今

靜海道中

查學禮

策蹇平沙道春風共往還一叢花似錦數曲柳如環
邨酒家家熟柴扉日日閒笑余行役者何事負溪山

直沽瓜師歌

金大中

丁字沽邊春水生桃花岸上暮煙平年年嫁娶漁船裏不用前
溪打漿迎

泊子牙河登太公釣臺作

魯之裕

把釣成功老亦甘白頭淪落自難堪絲綸徒向漁竿引風雨龍
鬚夢未酣

靜海官齋與姪浩基話舊

劉文煊

靜海縣志

戊集 人民部

八

靜海縣志書局
天津文竹齋印

斑馬聲何數飛龍翼竟乖五年違小阮一夕臥高齋庭接雙槐
影城荒十字街清風鳴野鶴涼月沸官蛙蕭索仙郎署淒其過
客懷無家勞轉徙漸老惜筋骸白日誰能繫浮雲不可排憂來
難遽遣空道酒如淮

燕山詠

邑人王正志

病起愁容減長貧不問錢看花紅滿袖削草綠生煙懷劍杯前
壯翻書倦後眠自慚成懶癖未肯受人憐

登靜海城樓

王鼎

縹緲飛樓壯登臨放眼賒浪搖滄海日晴抹碧天霞九派河流
遠諸邨樹影斜白雲遙望合迢遞憶吾家

任氏四節詩

任典妻李氏子寬妻袁氏
任俊妻高氏子懿妻杜氏

王鼎

雙燕差池喪其匹空巢各哺遺雛一寒月荒荒哀且鳴西風吹
冷螢如漆一朝遺雛接翅飛雌雄覓隊入烏衣歸來竝傍空巢
宿從此啣泥補舊扉何意雙雛掠高樹紅襟又墮堦前羽舊燕
單棲新燕孤啾啾乍對啼成雨嗚呼燕兮爾莫悲翼摧翅蹋非
人爲君不見韓陵臺畔歌黃鵠至今千秋萬世欽高躅

紀事詩

邑人高肇培舉人

九月西風波浪惡有客北來言鑿鑿獨流市上弄潮兒倏忽隕
淵風掃箨吾鄉河之湄有女方及笄夜半甕中死視死甘如飴
前死者夫後死者婦是耶非耶爲怨耦夫以不戒隕厥身妻以

靜海縣志

戊集 人民部

九

靜海縣志書局
天津文竹齋印

靡他貞厥守憶昔此女十齡餘就食翁家迫阿母俯首拜姑嫜
覲面奉箕帚兩髦已墮碧波溥化石山頭非我心年來久矣共
牢食同穴何必生同衾獨憐牽挽來鄉里未得相逢一處死爲
渠三復柏舟詩天只胡不諒人只朔風漸瀝冰膠舟甕底餘波
聲啾啾請將甕水傾河渚因風直向東北流流到良人舊死處
新鬼故鬼同抱憂不願爲韓氏墳邊連理樹不願爲徐州城外
燕子樓願待明年三月桃花發化爲比目春水游書生那得如
椽力邑史搜罷聊載筆欲知赴節在何時乾隆戊戌冬仲初三
日

深院

邑人高爾儼進士

深院寂無人
繁花開自落
衆鳥不啼
花驚飛響寥廓

呂公歌行

邑人高爾儼進士

東瀛之水何蒼蒼
雲烟葱鬱淡微茫
凜然皎月寒秋霜
中有司李才具長
玉皇香案謫仙郎
初來佐職帝南鄉
手懸明鏡夜有光
妖魅潛形狐兔藏
老猾對之如負芒
水晶宮裏澤且長
春秋雨露湛汪洋
田間老叟康且強
捧腹植杖遙相將
歡然對語田疇旁
賢哉我公不可忘

贈元大中丞撫河南

邑人高爾儼進士

旺氣滿中州
全形踞上游
地連龍虎窟
山接帝王邱
巨鎮推堂奧
雄藩帶遠洲
一方需帝賚
萬姓仰神謀
召虎威名夙
汾陽智

靜海縣志

戊集 人民部

十

靜海縣志書局
天津文竹齋印

勇周漢廷無與匹
俗吏豈能儔
鴛鴦斑曾預
鷹鷂逐未休
精忠堪浴日
勁節欲凌秋
五夜黃麻出
三軍紫氣浮
帝心勤錫命
臣職在分憂
秉鉞承君寵
揮戈裕壯猷
寒霜凝旆纛
夜月照貔貅
簡命從天下
王言不宿留
征塵隨後騎
飛鳥逐前騶
駿業今方著
鴻功日可收
吾鄉有盛事
石勒岳山頭

雨後游浣園觀奕晚棹而歸

邑人高爾儼進士

驟雨過秋林
河漢爲傾倒
雨歇碧天空
微雲澹縹緲
興高不畏溼
緩步沙洲道
遙望綠叢陰
物象皆可了
深林一徑微
輕風亂啼鳥
轉曲不見人
但聞新蟬繞
稍前樹作屏
堂上二三老
棋聲落清寂
蕭散人語杳
開樽後院宜
薄潤晴偏好
鬱葱帶雨痕
殘

陽明樹杪交枝覆堂陰暑氣靜如掃攜酒上琴臺脫幘觀林表
俯眺碧流暗孤帆宿歸早酒酣出林間樵歌來幽窈晚煙歸棹
急明月落川皎

同友過華藏菴

邑人高恒懋進士

長夏蕭疎倦倚樓相將蘭若慰沉浮午鐘敲醒十年夢溪水流
殘半世愁塔影斜侵竹院冷茶煙不斷白雲流徘徊竟日風塵
外話到無生意欲休

昔余客上谷有歲暮四詠偶書僧壁踰三載同友再過悵
然有感仍用前韻

邑人高恒懋進士

昔日曾爲客茲辰念舊遊故人誰翮健雙鬢白萍浮春逼徒添

靜海縣志

戊集 人民部

十一

靜海縣志書局
天津文竹齋印

歲寒銷未解愁遙瞻京國路佳氣滿皇州

其二

十年多閱歷誰復歎炎涼計拙空彈鋏才疎愧處囊屢經新日
月不改舊行藏悵望情無限呼僮索酒嘗

其三

故鄉聊寄迹三載看春廻身世羞空過星霜感易催憑杯興未
減撫劍志難灰膝下兒孫舞幽懷又好開

其四

相看殘臘盡無奈又春華雪影辭梅幹鴻聲報海涯青山夢欲
穩客舍路還賒四十行將近飄蓬漫自嗟

泛蓮花淀口占

邑人高恒懋進士

十年荷花面面秋漁人指點向蓮洲
蘆花深處難廻棹一葉隨風沂水流

其二

滿目蒼蒼路欲迷秋帆斜掛夕陽西
草色映人渾不辨沙汀惟聽蒼鴉啼

其三

花光水色亂晴湖小艇輕移起浴鳧
遙望煙波無限景恍疑身入輞川圖

自三韓歸靜海山行有感

邑人高緝睿兵馬司指揮

靜海縣志

戊集 人民部

十二

靜海縣志書局
天津文竹齋印

芙蓉千疊勢逶迤行逐春光去欲遲
水落雲根風送響烟浮柳岸綠垂絲
人家半在晴巒外芳草平臨夕照時
路入鄉園聊計日到來客思轉迷離

擬古絕句二首

邑人高緝睿兵馬司指揮

流水繞柴門經年不出邨稻梁冬月足
晴雨課兒孫

臨水繞山之地竹籬茅舍之家名利不聞
稻梁常足夫妻團聚兒女溫存不必高
話義皇已非人世矣我輩勞勞塵夢羈
旅半生因負才華反爲物累愧不如也

其二

山家老夫婦一子自相依五里採薪去
尙言兒早歸

其地清且閒其人樸而野不知名宦之貴不識別離之愁熙熙皞皞徕徕狝狝無懷葛天何多讓焉羨他邨落無鹽女無寵無憂過一生閱竟爲之撫然

除夕

邑人高緝睿兵馬司指揮

此際誠難遣愁因病益眞十年三易代再世一孤身日月成今昔風霜鍊苦辛斷腸無好緒又報歲華新

六月六日由眞定入河間

邑人宮夢仁會元

當暑驅燕趙天長路覺賒蟬鳴雲表樹鷺集水邊沙愧乏干時策思乘入漢槎隔年鄉國夢臥看浮瓜

甲辰出都酬贈行諸子

邑人宮夢仁會元

靜海縣志

戊集 人民部

十二

靜海縣志書局
天津文竹齋印

八月秋如水平風迓素商木葉辭庭柯孤雁日南翔渺渺征途子隔歲謁天閭天閭高以遠願言還故鄉同好三五輩念我空昂藏人年難滿百况值別離長置酒城西隅綺筵鳴珮瑋手奉金屈卮相勸累十觴蘭釭何熒熒歌聲更激揚愴然情未極月出夜已央驪駒列戶外僕夫當路傍掛君前致語攬轡復停裝陸生魯入洛司馬尙游梁胡不戀闕廷而乃懷榆枋譬彼蛾眉姿少小矜明敕得侍昭陽者惟恐進君王譬彼華文鳥熠燿山之岡增繳布於阿引項縱四方窮達會有時卷舒安其常顧盼發慷慨遲暮詎云傷歸矣草堂隈望望燕雲黃應期保令名努力愛景光

熱河紀事十首選五

邑人勵廷儀進士

蜿蜒環翠嶺高下建宮垣拱極千山伏朝宗萬壑尊邊陲天遠
互民物日孳蕃總被陽和澤冬泉水自溫

地占佳山水離宮闢一隅花繁憐溜暖穀稔喜田腴宵旰只民
事官曹必汝俞孰云萬方遠呼吸念肥癯

屋斜無定向隨意築林邱城市千峰逼山邨萬井稠有居仍逆
旅無客是閒遊伏暑崇朝雨悽然敵九秋

數來山厭熟屢儲愛居新行闕羅羣彥晨星數舊臣合圍規樹
影刺眼歎花身珥筆人垂老重番扈北巡

雲歸山雨足風泛藥苗香退食從容候時鮮次第嘗南榮施翠

靜海縣志

戊集 人民部

十四

靜海縣志書局
天津文竹齋印

箔北戶展書牀一卷真消受翛然六月涼

趙陵

邑人王士奇貢士

烟樹茫茫問趙陵逢人指點話無憑當年完璧知何處猶記相
如報國能

清河迎駕

邑人牛思任進士

陽春初應律聖主豫遊回日暖沙隄淨風微綵仗開鸞旗翻樹
影豹尾映河隈東顧瑤臺近西瞻碧岫來卿雲叶鳳管紫陌伏
龍媒大化徵民俗訃謨重睿裁八方歌樂只多士慶康哉虎拜
千宮肅南山獻壽杯

刻石經於辟雍頌

邑人牛思凝進士

聖人御寓壽考作人昭回垂象惇敘明倫導以學海汲綆文津
烝我髦士觀光用賓

辟雍講學泮壁垂型既崇石鼓爰刻石經箋宗古策絳發新硯
魯魚正謬科斗傳形

粵稽在昔漢京有聞熹平創績鴻都垂勳一字三字今文古文
議郎書丹羣儒贊勤

亦越有唐詔徙洛陽經文刊定字樣審詳邯鄲舊蹟辨異補亡
九經斯定學校重光

緝熙聖學嘉惠儒林經藏四庫石立千尋日星並燦淵嶽同欽
多文爲富昭示來今

靜海縣志

戊集 人民部

十五

靜海縣志書局
天津文竹齋印

釣臺懷古

邑人牛元靖舉人

商周六老一漁臺震世經綸此地開東海煙霞聊借隱西岐風
雨暗相催潮生斷碣侵丹宇雲度荒祠蔭綠苔景物已隨人事
改磯前惟有月明來

置館教習新進紀恩

邑人高澤泓進士

曉望龍城秋氣清新開詞館儼蓬瀛共知聖主培多士特簡文
臣式後生濟濟衣冠嚴進退煌煌典籍定章程微才亦忝承恩
澤願竭終身向日誠

劉孝子廬墓詩

邑人袁 佃貢生

今人讀書爲科第忠孝廉節或不計今人處世競紛華忠孝廉

節鮮不差豈知孝爲百行首天經地義人人有惟人人有人人無無中僅有有乃殊我聞劉公字謹度禩業清芬守儒素鄴架橫堆萬卷書德門夙種百年樹方欣玉樹好栽培不幸靈椿隕霜露髫年自痛此身孤苦學養宮誇獨步學成名立非干時生恐不學觸母怒况蒙熊丸晝荻勞心神機聲夜與書聲鄰萊衣舞綵萱堂喜荆樹聯吟雁序親但祝天荒地老長如此色笑親承無終止此心此願皇天上帝豈不聞無那人生自古皆有死人子力不能回天人子心却得自專躬親負土營宅兆手自栽松表墓田三年廬墓忘寒暑寸草傷心泣風雨已看雛鳳繭青雲笑騎箕尾歸紫府君不見孔門高賢有季路百里負米親歡

靜海縣志

戊集 人民部

十六

靜海縣志書局
天津文竹齋印

聚厥後南游荆楚粟雲屯累茵列鼎親無存乃嘆富貴不如貧時好貧時猶得老吾老吁嗟乎此恨茫茫照千古生不能養沒何補劉叟劉叟得所處我誅劉叟歌此詩此詩歌成淚滿紙好待他年付青史愧我不能抽秘騁妍辭願共大書特書教人知有劉孝子

邊貞女

余任靜海時貞女未嫁夫亡矢志守節奉事孀姑父母欲奪其志女刎劉自明卒遂其志以詩誌其苦節

邑人彭崇泰

孤松挺高巖不與凡卉列哀鴻號寒雲飛飛影迥別堅鋼猶繞指素絲豈染涅卓哉邊貞女懷懷光彌烈彼其幼字人未笄忽中折女聞心實悲抽刀竟自決念茲孀姑痛喘息寧忍滅潔身

守空幃三載同飲血崎行良獨難苦詣亦稱絕浮華委朝露芳
名表霜雪寧爲巾幗操還勵裾簪節

擬杜少陵打魚歌

杜麟孫

七十二沽之水清且深老魚生長沽之溥共言三津之地是魚
藪推蓬移棹相追尋環村日聽鳴榔響泛宅家家托畫舫女兒
十五兒十三不學織耕學撒網一網未落一網開提網忽見跳
波來纖鱗二寸鯉尺半携竿罷釣人初回歸來曬網垂楊樹鼓
楫長歌下前渡欸乃一聲煙中雨微茫不辨三义路

遊華藏菴

邑人杜依中歲貢

百年塵劫裏過眼一風燈解脫人皆佛清閑我亦僧升沈原有

靜海縣志

戊集 人民部

十七

靜海縣志書局
天津文竹齋印

故夢覺果何憑借得蒲團力消磨障幾層

表邊貞女

邑人施德凝

九河岐出波汪濊清州自古當厥會淑氣氤氳鍾異人閨中奇
節稱爲最邊家少女正及笄千古網常素所不知道紅顏偏命
薄惡風吹折並頭枝未亡人誓與偕亡恩義拚將一劍償血染
絞綃命懸手諒人從此格穹蒼精誠懷懍懍行貞烈操比冰霜心
比鐵正氣昭彰泣鬼神一輪皎潔清秋月君不見望夫一片石
崢嶸江岸萋萋芳草生又不見陶嬰守志矢靡他舉世競傳黃
鵠歌古之節義今往矣維持風化獨推此採風應得備輜軒松
筠勁節留青史

散賑行

邑人毛直

衛流渾渾不可當雲鬪蛟龍上下狂倒瀉天瓢翻絕頂河伯一
 怒能為殃哀鴻遍野苦饑溺饋貧賴有官家糧神倉特發蘇民
 困奇寒頓令熙春陽喧傳競頌宰官德紛紛相率躋公堂大者
 狡兔奔且疾小者饑犬走欲僵目昏頭眩腰脚軟雷鳴枵腹迴
 枯腸襁女裸男復扶叟手持升斗肩負囊黃鬚小吏招左右深
 泥沒髀翹首望執簿呼名按序給同仁一視均弱強散罷行籌
 日已暮不教豪胥豢豺狼噫吁嘻歲無恙民無恙安得保赤誠
 求盡如宰官良湛恩四海常汪洋

入秋雜感四首選一

邑人蕭重廩生

靜海縣志

戊集 人民部

十八

靜海縣志書局
天津文竹齋印

已往不可憶條然秋氣來庭前有高樹蟬聲一何哀靜坐百感
 集負手起徘徊人生駒過隙歲月忽已催願隨稻梁雁高舉白
 雲隈

寒暑有遞更榮枯如轉轂毛遂處囊中脫穎驚世俗風雪臥袁
 安輝光生茅屋乃知學未優伏處終碌碌窮巷無車聲慨然念
 空谷

中秋微恙口占

邑人蕭重廩生

客裏何堪病又侵空齋聞寂漏聲沈債多好友無溫語囊罄僮
 奴有冷心古壁半欹新月上疏簾不捲候蟲吟匡牀怕作還家
 夢獨對寒檠夜深坐

新柳和韻四首選一

邑人蕭 重廩生

張緒風流憶昔年絲絲軟舞日暄妍春回罨畫溪頭路夢斷清
明節後天社燕一雙花徑外胡姬十五酒爐邊蛾眉相對勻新
黛短髮垂垂半覆肩

春燕四首選一

邑人蕭 重廩生

纔過上巳又清明顛雨斜風與送迎深院穿花春有伴空梁照
壘月多情芹泥舊徑尋來熟柳岸新烟掠欲平合德椒房應見
妬莫教容易掌中擎

梅花四首選一

邑人蕭 重廩生

艾納濃薰第一花繞籬倚石任橫斜鏡中妝靚佳人面竹外枝

靜海縣志

戊集 人民部

十九

靜海縣志書局
天津文竹齋印

橫處土家蠟屐尋來春有迹銀雲碾出玉無暇青山睡醒勻螺
黛朝夕催人兩鬢華

聚奎巖

邑人蕭 重廩生

小住僧寮悟佛緣海濱寄跡此經年蒼茫遠水疑無地浩杳孤
帆直接天石壁斑斕蒸蟹雨腥風霉溼釀蠻烟鰕魚肥美邨醪
熟鄉夢無端到枕邊

龍華寺題壁

邑人蕭 重廩生

燒葉煮新茗蕭閑愧此僧稼收平野白門擁亂峯青梵唱前邨
靜鐘聲下界聽到來空萬慮俛首問山靈終古少人到溪山帶
笑迎邨僧無俗骨斷澗咽寒聲野鳥若相識巖花不記名嶺頭

夾漈墓再拜祝先生

寄懷牛荻坨徵君四首選一

邑人蕭 重廩生

海枯石爛憶前盟
覆雨翻雲任變更
舊事驚心惟避債
前塵誤我是多情
夢回清夜鄉關遠
酒入空腸芒角生
細雨灑窗人獨臥
一聲旅雁過高城

山行即事五首選一

邑人蕭 重廩生

小溪流水抱山腰
密箐叢篁隱石橋
路入羊腸人不見
夕陽紅處認歸樵

峯回路轉見山村
紅葉經霜凍有痕
驅犢牧兒歸去晚
梅花無數繞柴門

靜海縣志

戊集 人民部

二十

靜海縣志書局
天津文竹齋印

排悶雜詩三十首選五

邑人蕭 重廩生

苦棚櫻薦綠蘿窗
樹陰森覆碧幢筆
不工書偏有債心
緣得酒最難降
尙遲霜信來宵夢
怕聽蠻歌異域腔
栩栩莊生身外蝶
疏花小竹影成雙

杜陵衣鉢授庭闈
半世饑寒壯志違
無貌誰憐羅隱惡
食言那得庚公肥
燕臺卅載風吹帽
嶽麓三年雪染衣
黽勉循陔潔滌隨
鄉關回首白雲飛

憶弟看雲獨倚欄
駕鵝東去雁聲酸
半生將過渾如夢
九品之餘愧說官
爲寄三歌收骨肉
好留千木詠團欒
家風我亦揚延慶
待覓珍殼結古歡

曾拈斑管傳何甚紫韻紅腔夢亦酣
螻拍新翻花十八蛾眉淺
畫月初三燕臺細雨迷蒼翠
閩嶠閒雲阻蔚藍何日雞林來大
賈爲傳此册到江南

多少塵緣未盡芟菜羹滋味別酸鹹
黃泥白墮從人餽紫筍花
豬慰我饑謁座漸忘持手版吟詩敢
自署頭銜何時得遂歸田
願碧水如烟擁片帆

學殖荒落拈管茫然書以誌歎

邑人蕭

重廩生

饑人偶得千鍾粟旱苗著雨鷹獲肉
枯腸偶得五車書渴驥奔
泉羊蹴蔬文人每以嗜古傳曹倉鄴
架各垂涎夢吞篆籀韓吏
部身到娜嬛張茂先讀書萬卷光萬
丈浣花詩聖青蓮仙我從

靜海縣志

戊集 人民部

二十一

靜海縣志書局
天津文竹齋印

束髮受書籍菖蒲嗜好性所偏六朝五代唐宋格啜其甘旨却
腥羶麥飯藜羹腸胃薄齧金嚼鐵齒牙堅曾翻陌上黃鶯曲戲
擬長安白馬篇何當淪落天涯久腹笥便便剩空甌偶然覓句
費苦思狂搜大索終烏有軍無糧餉虎難擒字有神仙蠹已朽
似曾相識亡是公依稀憶得支離叟漫將捨命嗤方千敢以讀
書傲歐九欲恢舊業手頻叉海濱絕少藏書家斷碧零金喜創
獲烏焉亥豕相紛拿直視論衡爲祕牘令人笑未讀南華書生
不改寒乞相貪食螭蚌拚腹脹驢脚瘦硬胡可鞭抵死精神寄
三上蓼蟲食蓼鼠搬薑平生結習苦難忘書神酌汝一杯酒魂
兮歸來認故鄉

負薪女

邑人蕭重廩生

溪女負薪來濕茅雨中束顏色何悽涼欲語聲難續兒本採薪
人終歲山之麓久雨斷樵蹤十日絕餽粥無計覓晨炊自撤巖
邊屋豈不畏露處飢腸如轉轂違敢望三餐一飽良已足此語
不可聞聞之淚盈掬搔首問青天胡不哀憐獨轉自愧何人飲
醇而食肉

畫瘦豹自題

邑人邊國幹武生

隱霧澤文章七日深山裏儻有害物心焉能瘦至此

題畫竹石贈友

邑人邊國幹武生

瀟湘綠玉崑崙石寫向高堂之素壁四座涼風帶雪吹半窗疏

靜海縣志

戊集 人民部

二十二 靜海縣志書局
天津文竹齋印

兩和煙滴九疑夢斷瑤瑟寒貼雲影落雙青鸞也曾拂拭蒼苔
色坐弄參差楚天碧曲終日暮山鳥啼自寫幽情寄想憶

院中栽柳而枯

邊雨蘭

挺然孤幹自撐持羣卉爭妍未掛絲雖異淵明門外樹風來却
不折腰肢

題畫嚴子陵釣圖

邊雨蘭

寄跡江湖知者希羊裘著去當蓑衣漢廷疆土今何在千古先
生有釣磯

子牙釣臺懷古

邑人毛家彥庠生

避世乘時寄一身蒼蒼鬢髮謝風塵子陵到底無經濟着破羊

裘尙效鬻

靜海八景

邑人毛家彥 庠生

平野漫漫雪欲迷

平野

東連海曙徧郊畦

東郊

潮聲日暮聽津北

北津

花氣波搖滿淀西

西淀

三徑雲陰遮遠樹

遠樹

半河柳色隱長堤

長堤

閣南更向風前望

南閣

帆影斜排運舶齊

運舶

王貞女詩

邑人毛家彥 庠生

賢哉有女在河之湄親無兄弟幼失嚴慈

解一

長而及字恥言結

縞姊妹俱嫁獨矢操持

解二

賢哉斯女貧不能炊爰有里黨鳴厥

職司

解三

洵美鄧侯樂此不疲饘斯粥斯免其啼饑

解四

瞻彼日月

悠悠我思歲云暮矣坊表為誰

解五

言念學校義矩禮規旌別淑

靜海縣志

戊集 人民部

二十三

靜海縣志書局
天津文竹齋印

慝責在宗師

解六

載馳載驅匍匐就之爾公爾侯黽勉求之

解七

原

有賢宰后山之支册貢天府褒語無差

解八

煌煌懿範煥靜之祠

嶙嶙苦節播海之涯

解九

磨而不磷涅而不緇賢哉貞女念念在

茲

解十

馬烈婦歌

邑人毛家彥 庠生

世間萬事無不朽惟獨貞烈能傳久吾鄉馬氏有奇婦操勵冰

霜直無偶憶昔垂髻處深閨青粉牆高接翠柳紅顏嬾窺粧鏡

開願聞訓戒依阿母衷懷耿耿盟幽獨知以貞潔禮自守標梅

頃筐迨其吉恒懼相從非匹耦待受玉杵了前因歛錢何嫌阮

修貧組織躬親安淡泊釵荆裾布度芳春只說陽臺終雲雨誰

知冀野起風塵聲驚鞞鼓動地喧狼烽夜燭徧無垠肆掠縱剽
狡兔衆萬室胥罄寒煙送旁顧鄰里盡徙遷欲暫偕行奈屢空
無何寇至馬嘶驕見得嬋娟眼欲燒初將彤管投梭誘繼擲黃
金作餌挑彼美自是玉抱璞 豈許蠅點濁既歌墓棘刺陳
佗復向輜車罵董卓鸚鵡攪翻花滿叢狸奴搔亂鬢飛蓬急出
荆扉覓絕域雄狐相逼勢何亟詩賦柏舟溯共姜之死終須矢
靡慝蛾眉雙銷散烏雲襁褓阿嬰言無息比匪因怒轉成羞道
不女從誓不休佩脫紅蓮及鋒試英魂弗屈自凝眸破腹無言
空飲泣衣痕悉被血痕濕繞膝置巷哭且啼匍匐就乳若鯨吸
鴈堦儻聞應斷腸蟲飛夢醒總難忘一朝伯姬雖命絕十句劉

靜海縣志

戊集 人民部

二十四

靜海縣志書局
天津文竹齋印

表尙屍香倏看妖氛消轉盼當時情景等聞見媧皇補天恨莫
捐精衛銜石心無變只恐滄桑世事非罔教苦節沒蘭幃書生
竊幸簪筆健編年紀事深素願非敢錯彩侈藻華聊備異娛徵
文獻

三到會川二首

湖北謝庭書拔貢

饑驅出門去行行西復東

六月至此復往大城七月初始回
津次茲又來此爲柏崖襄校試藝

三更牛渚月

時中秋
後三日

路馬當風幸得南風
半日即至城角遠山碧邨頭老樹紅那堪秋稼熟搖曳浪

花中時秋水泛漲
四顧浩然

幾度苦行役鴻泥印會川主賓新契合文字舊因緣

前兩次至此與柏崖
商量舊學故有今日

約之人欣德星聚日與柏崖倚梓竹林
剪燈夜話樂事也心如秋月懸偷閑商畫稿不讓米家

船無事即為
同人作畫

移任會川留別河西務士民

邑佐 焦頤齡 廩生 江蘇人

輕裝檢點付征鞍二月春風祖帳寒
百姓有情爭載酒三年如夢偶遷官
升沈數早前期定得失翁原平等看
贏得新詩滿行篋陽關高唱起吟壇

聞說新衙勝舊衙神仙眷屬好移家
鶯花跌宕春方半詩酒風流興不差
囊橐儘携書卷去蓬萊先向故人誇
扁舟他日如相訪楊柳青青水一涯

郭雲卿

光庭

孝廉見示近作並惠湖穎賦詩誌謝時主瀛

海書院講席

前 人

靜海縣志

戊集

人民部

二十五

靜海縣志書局
天津文竹齋印

刪盡尋常蕪蔓詞獨從陳腐出新奇
雲霞燦爛衣無縫冰雪聰明筆有姿
此事自然關夙養吾儕何幸得名師
燈窗百讀翻惆悵太息風塵遇合遲

年來橐筆走天涯東抹西塗只自嗟
冷宦偶揮燈下草管城非復夢中花
縱橫文陣知無分持贈騷壇敢拜嘉
料想如椽君獨擅綵毫珍護鋒帷紗

林薇園培豐少尉七十生日

前 人

畿輔一官小誰能識此翁蕭然寒士况
卓絕古人風有酒還留客無文可送窮
至今談禦寇真氣尚熊熊

七年賊犯靜海君守獄門禁
眷屬不得離官舍城賴以存

祀竈逢新臘稱觴列綺筵一家歡聚日
七秩古稀年歸去老猶

健醉來顛自憐行藏君善決作尉作神仙

時君將以來年夏仲告歸

靜海童試柬鄭柏崖士蕙大令

前人

局試延多士南衙當棘闈偏師嚴有律小隊健如飛得失爭毫末純疵辨細微自憐門外漢見獵總依依憶昔鏖文戰縱橫氣獨雄時賢低首避老輩賞心同

冀試金臺先達蔣丹林吳西穀卓海帆彭春農馮適園諸先生均獎掖寒微並受文章知遇

知己平生感浮名夢幻空青衫多少淚彈指卅年中

防河紀事

前人

直與蛟龍敵森然毛髮寒橫流波影闊陡起浪花團國帑經時絀民情歉歲難書生真愧煞隻手挽狂瀾

邨落愁生計登高為愴神滔滔天上水岌岌地中人鴻羽三秋

靜海縣志

戊集 人民部

二十六

靜海縣志書局天津文竹齋印

蕭鶉衣百室貧監門勒撫字

時鄭柏崖字靜海

莫待繪流民

查賑夜宿運河西岸大佛寺

前人

哀鴻猶窘稻梁謀極目蕭條悵此遊充膳更無鸚鵡粒添衣誰假鸛鷖裘滿天風雪僧歸晚遍地瘡痍佛見愁冷宦情懷何所似依然王粲舊登樓

東郭雲卿山長

前人

不能成佛不成仙醒讀元經醉證禪舉世疑君真怪物同時著我亦前緣雙鬢競為評詩價五斗公然足俸錢安得並騎鸞鶴去高高大上聳吟肩

夏日讀蕭遠邨集遠邨以諸生應召試充膳錄銓福建蕭

田尉子亦以甲己兩闈房薦挑膽錄入史館出爲河簿
浮生踪跡大致畧同意盤古開天後造化小兒無甚高
著不過陳陳相因顛倒游戲耳作長句紀之呈雲卿山
長

前 人

三年瀛海苦搜奇穎士風流幸在茲天子命官因獻賦才人作
尉只吟詩生平薄宦畧相等身後浮名未可知冰雪填胸清在
骨把君佳卷却炎颺

中秋與計鯤波廣文杜輔廷少尉牛越千李春圃兩茂才
對月飲酒

前 人

靜海縣志

戊集 人民部

二十七

靜海縣志書局
天津文竹齋印

閒官風味類儒酸佳節招邀苜蓿盤良夜遇逢宜縱酒異鄉同
客好加餐廚無珍錯荆妻窘座有絃歌小婢歡忽對月明思往
事多年辛苦棘闈看

擢任景州佐留別靜海九首

前 人

雪浪風濤萬萬重年來隻手亦虧儂臨行擬借離筵酒灑向河

梁醉毒龍

運河

瀾漫秋水逼孤邨冷竈無烟屋僅存幾度繪圖難著筆傷心曾

作鄭監門

沿河南岸鄉民

密字千行爲論詩知君搦管手應疲何當更益奚囊稿換取壘

辛絕妙辭

郭雲卿山長先生定余詩
累萬言梨棗爲之生色

劉郎年少擅風流顧視騷壇屢唱酬記取西風燕市月訪君徧

詣酒家樓

劉子年茂才蔭椿工詩善飲屢和子詩而未謀面奇士也時劉將應舉入都

尊前有酒且高歌唱到陽關可奈何自笑麤官絕風雅送行徧

是秀才多

秀才

同舟共濟亦前緣宦轍將分倍惘然從此郵筒須著意官書中

有故人箋

同官

饑寒隨我為謀生送我依依各有情我亦臨歧留贈語官家事

了早歸耕

河營老兵

三年小住儼成家廨舍粗完又及瓜莫道宦情無挂礙最難割

舍滿園花

廨舍

靜海縣志

戊集 人民部

二十八

靜海縣志書局
天津文竹齋印

舊栽短竹傍西廊今日臨風如許長寄語後來人愛惜此君便

是老甘棠

窗前竹數竿
余手植也

呈瀛海書院山長郭雲卿先生

邑人 劉蔭椿

士林為表復為坊館課餘閒也註莊盛德恰符瀛海量談經近

接鄭公鄉

邑尊鄭公官課
卷亦先生校閱

庭儲桃李栽培厚室有芝蘭氣味長慚愧寄

人籬下客年來未得列門墻春風至教勝雷霆先正於茲得典

型說項自同心保赤撫躬深愧眼垂青襴衫累我何嫌瘦破硯

磨人未肯停堪笑十年窮措大且夫賦得總無靈

和劉子年

蔭椿

明經贈詩原韻

湖北郭光庭舉人

詠到芳州不屬坊新詩流利雜端莊建安風骨真才子公幹文

章重帝鄉聞道棣華爭秀發賢昆玉俱登甲乙科喧傳桑梓擅兼長君有詩書畫三絕之稱笑

他珊網難收拾窺探空登宋玉墻

燒尾風雲走怒霆舊科今愧說新型念年席帽難拋白自辛亥至今二十餘年上春官

者八五載寒氈尙擁青戊辰科入都報罷後即赴部投供在近畿一帶壘燕經營終日倦籍筆耕佃口先年主獻縣日華書院後來此地

磨驢旋轉幾時停儒冠一著真成誤枉向陳編費乞靈

和焦壬甫順齡州佐讀蕭遠邨詩見示原韻 前人

居然臭味合岑苔詩卷今番有益開心賞恰同知己晤神交如

見故人來幾番別足猶懷玉一曲纏頭又上臺自是欲歸歸不

得諷吟佳句兩三回

非馬非驢狀太奇官民參半比龜茲在吏部澄叙堂驗到與道府同部門依然列供結稱謂色色皆官及出吏百姓耳尙多

靜海縣志

戊集 人民部

二十九

靜海縣志書局 天津文竹齋印

俗累空談佛絕少靈光愧說詩作郡那能逃鬼笑焚香只不畏

神知買田稍慰東坡願飽挂蒲帆趁晚颺

勸俗俚言

邑人鄭廉善舉人

莫把謀生小小看須防廉恥喪饑寒有時要裕無時用免致無

時後悔難

消長盈虛理不移挽回氣運在人爲勸君隨處留餘步莫到山

窮水盡時

未雨綢繆法聖賢莫將人事諉之天從來勤儉邦家本兩字能

持造物權

用財道理要詳參慳吝人情更不堪自是戒貪須用儉還防過

儉即爲貪

刻薄成家富幾時
福因德厚理無疑
多藏不及多行善
冥漠從來有報施

珍錯紛陳酒百壺
貴交富友座間呼
萬錢日費渾閑事
也繼飢寒升斗無

君子從來責己多
任他求我漫求他
逢人便說人情薄
自問生平厚幾何

懶惰驕奢困苦隨
防貧須及未貧時
有人若採芻蕘話
頭件洋煙莫學吹

達道條條在五倫
不虧大節乃爲人
尋常毀譽關何事
可對神

靜海縣志

戊集 人民部

三十

靜海縣志書局
天津文竹齋印

明問性真

窮達誰能與命爭
但安本分要心平
怨尤歡羨都無益
君子從來素位行

邑人毛士

吟鵝池乞食詩有感

姓宋名登春嘉靖間人冀州新河縣六戶其故里也足跡半天下占居湖廣鵝池村因以爲號喜着和尚帽自

謂有髮僧其抱孫乞食詩云何處炊紅粟誰家泛綠樽頻遊隻履敝生計一瓢存任爾呼牛馬隨余愛犬豚絕交書未上爲客老荆門

有口身成累無錢酒不賒
半瓢荆市滿一枝楚門斜
詩句真空國阨窮直到家
從來造物意偏自厭才華

題所著書

冬月煖寒毫低頭過熱夏久摹先秦書苦於筆難化近來頗自
喜聞道時人罵所草春秋箋直次公穀下司馬無文君念之行
欲罷付誰製軸函穩着珊瑚架

其(二)

筆下文詞帶本性一片琉璃秋水靜高嚴氣色不尋常說到從
容尙有病更能溫潤含委蛇何難與古相爭競至此還須學力
深天惜未與讀書命

題春秋傳草

幾番草就幾番勾筆墨淋漓老不休甘爲一經憔悴死此書成
後更無憂

靜海縣志

戊集 人民部

三十一

靜海縣志書局
天津文竹齋印

憶於翁句

糴米歸遲午未炊家人竊憫乃翁飢不知弄筆東窗下正和淵明乞食詩

嘗經閱歷語方新約畧說來恐未真乞食詩留僕輩和先生豈
是個中人

論孟子

孟氏先生孔之將更覺文手無其上日月沒兮大星隕寇壓尼
山列兵帳告楊墨子健兒多望見旌旗誰能抗理眞語透氣復
雄風雨離合筆酣放背城一戰掃妖氛聖道于今得未喪

客途有感(一)

邑人李清驥舉人

每從奢望盼前程博得微名似羽輕顧此壯年猶未達算來暮
歲竟何成藏書有篋隨飄泊指硯爲田託死生果是文人多命

薄從今莫作不平鳴

其二

津北燕南又解裝空談道德樹門墻呵詩免坐消愁計飲酒權
當却病方雲影遙遮千里目河流曲似九迴腸此心安得隨波
湧風送濤頭到故鄉

民國

天津三烈婦行

天津金氏女二人皆以夫亡絕粒而殉更有金氏子妻王氏亦如之鄉人哀之號為三烈婦

邑人高毓澄

媧皇制禮立人極靈秀所鍾在女子絲蘿結定矢靡他同穴何
必不同死四千年中空紛紛析津閨範久超羣四烈賢聲溯在

靜海縣志

戊集 人民部

三十二

靜海縣志書局
天津文竹齋印

昔邑有四烈婦於今鼎足萃一門七十二沽綠楊柳道路爭說三烈婦

烈婦氏系本為金更兼姑嫂相居守名媛生長自名門詠絮清

才淑慎身正誦關雎樂鐘鼓柏舟忽作未亡人其一穠粹逾冰

霜鴻案齊眉德効梁療疴刮盡香肌血烈婦兩次割股療夫和藥難求不死方

又有倡和孀隨夫旅舍瘡遭噩耗呼紉車已賦履霜操烈婦夫亡在客中總

悵難描粒絕圖繼厥後者心尤正垂髫卽知顛弟病烈夫幼年弟日失明婦憐之神疾立愈

姑存未敢遂殉夫夫先亡姑尤在堂烈婦俟姑亡後方身殉朝朝掩泣悲明鏡一朝養事畢北

萱視死如歸詎畏難半世秋雲憐寡鵠初春仙馭駕青鸞三人

先後隔七祀首陽高節甘同繼玉女峰頰猿鶴哀珠樹花殘鬼

神泣由來恩義薄風雲俠烈如斯古未聞班昭女誠今堪補孟

氏風規今又云烈婦淚灑瀟湘竹古幹凌霄不可屈烈婦情比
雙南金百鍊曾生不易心元氣散作秋浦烟並蒂花中開白蓮
香塚發出連理樹上有鴛鴦雙雙宿凜然大義克能當父老傳
稱娣姆傷芳徽仰止馨香祝梓里書來姓字光國家褒歎即旌
表魏坊百尺輝文藻行人過此共咨嗟有女如斯咸道好吁嗟
乎精誠所格天亦愁拚將一死博千秋請看世上貪生者一念
猶疑到白頭

靜海下車高君湘泉以詩見貺步元韻

陶際唐

岫樵

滔滔渤海水自古開洪荒汨汨運河流歷世淘興亡會川百里
地宓琴幾更張蒼茫明與清彬彬成文章我來兵燹後重視民

靜海縣志

戊集 人民部

三十三

靜海縣志書局
天津文竹齋印

如傷下車詢輿情父老咸徬徨耆舊多豹隱安得紛明揚風塵
慚史俗案牘依時忙側有高青邱美玉韞櫝藏吟喙接騷雅規
矩存端方舉足惜芳草十步此其良拜手虛前席所願言俱昌

過節孝祠見于節婦神主有感

廬江趙元熙康衢

節婦劉于氏劉寶山之子玉峯之妻于耀祖之女熒緒之姑母
也玉峯故時氏年二十有四矢志靡它苦節歷七十歲白髮古
稀鄉評重之合詞籲請前清奉旨入祠時光緒三十四年也
綠遶祠堂樹幾株柳堤臨水面西隅三皇閣外彭城古百口碑
高姓氏于年享春秋開壽域心同金石付冰壺縣縣七十人間
少苦節而今問有無

又

東里村居重寡辭青年白髮蒼如絲
堂空松柏生仍在天老冰霜死不移
未有古稀完婦德常留正氣繫人思
劉于姓氏褒千古豈獨鄉評載口碑

靜邑志將成趙秘書康衢搜得劉于氏
節孝事略補入並

紀以詩賦長句奉和

阜寧陶際唐 岫樵

劉于節孝今古稀七十而邁寧易期
青年矢志臻白髮嚼盡茶苦甘如飴
有清旌表垂簡册勸世敦俗咸在茲
邇來邑志事雕琢搜羅往蹟那可遺
倚樓妙句擅天下得珠落筆先探鸞
高歌白雪陽春曲繼美松筠日月詩
吁嗟乎我來會川未百日疲於

靜海縣志

戊集 人民部

三十四

靜海縣志書局 天津文竹齋印

兵役時攢眉

時有討石之役當於軍事支應

安得從容雅歌轉風氣表彰人倫細與商

權宜

過榆關

清宣統元年隨朱慶瀾將軍由奉赴川著有川奉路程日記一册茲節錄七言三絕

邑人

元殿元

畢竟雄圖屬祖龍
長城西望氣如虹
不防楚漢防蒙滿
任爾阿房一炬紅

過武漢

千古巍然黃鶴樓
長江到此據中流
看來形勝必爭地
兵法云先得者優

過巫峽

楚山盡處蜀山高
俯視長江帶一條
十二巫峰誰管領
縱然低

首亦凌霄

靜海縣志

戊集 人民部

三十五

靜海縣志書局
天津文竹齋印

賦賦者富也

清

恭進聖駕巡幸淀津閱視河隄賦
蕭 重邑廩生

維著雍執徐之歲宿月之吉瑞應駢臻嘉祥既溢拓迹開統風
同道一皇上乃遍山川勤望秩雍神庥廣治術以豫以遊無荒
無逸前緒丕承舊章祖述是協靈辰用占良日星布雲敷雷馳
電急統九有以含薰奔八神而警蹕于是陽子驂乘攝提運衡
兩師灑路風伯隨行朱旗日暎翠幟霞明前驅魚麗屬車塵清
燕山萃秀易水停聲嶷筍輿以鳳翥碁鼉鼓以鯨鏗柳欹斜以
舞送桃旂旒以笑迎快蒸黎之茂育欣畎畝之縱橫鳥處處以

催種民熙熙以知耕草油油以含露木欣欣以向榮瞻瑤光之
晻藹聽鑾響之和鳴誠衢歌之載道繪有象之太平迺者歷華
陽過涿鹿望荆城凌柳宿張錦帷擁華轂勢巍巍斑肅肅聲闐
闐容穆穆羽蓋連雲鑪香散馥絳繚綃紈翠縈紅簇忽碎隱以
陸離恰蒙茸而繁複建辰旒之太常窮亥步于原陸御璫弩兮
重旂燦朱旄兮青屋惟星陳以天行乃日沐而月浴是時也品
物交和陰陽暢育民事勤勞仁風捷速同軌量與律衡齊急舒
于寒燠覽固節之高原度瓦林之斜矗抵趙北兮燕南駐朱輪
兮玉軸聖人于是致賚九扈時乘六龍神駿罷御畫鷁栢從載
瞻澤國是展元戎其地則滹沱以北黑洋以東雷溪異派濡水

靜海縣志

戊集 人民部

三十六

靜海縣志書局
天津文竹齋印

旁通衆流匯萃煙霧溟濛其水則滂滂沆漑雲撓穹隆灑漾潢
漾跳沫飛濛奔揚滯沛洋洋溶溶其魚則鮪鱠鮓鮓鮓鮓鮓鮓
鯉鱮掉尾奮鬣乘風萬鱗衆夥游泳其中其鳥則鷓鴣鷓鴣鷓鴣
鳧雁鴻駕鵝鵝鷓守雌呼雄引吭鼓翼雲翥霄翀天子乃選羽
林奮猿臂輕禽飛游梟刺弧矢張鳩鵲墜別有文身之技手格
鱗蟲漁舟泛翠珊網開紅月鈎雲餌策螯豢龍效三驅於古昔
厖一念之淵沖於是命大丙以遄返令庚辰以戒塗汎蘭撓以
容與搖桂棹以舒徐望蘇橋而延佇傍禹廟而盤紆攢飛翰以
左列整蒙公以先驅耀飛揚之旌旆列丹艧之舳艦省芳郊於
子牙之河布嘉惠於丁字之沽懿夫道本疏河樓名望海梵宇

爭輝榮光煥彩圓嶠遙臨方壺宛在則見夫海童宴設江叟筵
開潮波汨起汐浪裴袞歎霧蒸晴齋溼暄匝天吳夜遁罔象潛
回飛滂相檢激勢交摧崩雲屑雨掣電驚雷沙石之訥巖坻之
隈水精之府黑齒之臺天琛水瑞紛至沓來百靈咸若萬象無
猜孽洪波之廣麗竭盤石之雄恢戲窮溟於天沼乃密邇於蓬
萊於是乎離宮別館高廊四注夷嶼築堂累臺隱霧璀璨碧璫
紆回輦路青龍蚴蟉以周流白象婉憚以停駐步欄繞以相連
巖菱排以無數紛蕙圃而蘭畦錯瑤花而琪樹聽韶護之遺音
列陶唐之妙舞將東暢以膏流阜南薰而惠布固已四表又安
八方企慕矣天子乃敲麗句摘春華思睿以紀旨正而葩包容

靜海縣志

戊集 人民部

三十七

靜海縣志書局
天津文竹齋印

宇宙組繪雲霞龍文已轡鳳藻紛拿惟聖聰之天曷曠今古而
靡涯乃命羣臣拜颺中旨浮藻聯篇英華繼美鋪魚網以拙思
界烏絲而奏技所以仰奮乎絲綸而揄揚乎咫尺者也則有舉
行憲典廣設詞場彙征多士含咀芬芳修容乎禮義之圃馳騫
乎雲漢之章咏華平於上苑美朱草於中唐盡忠孝以宣德羗
雍容以對揚備昇平之潤色擬宋豔而班香蓋聖人握金鏡而
羣材得効其微長所以至化滂溢庥聲遠揚收驩還軫分旃廻
塘車雷殷而風厲馬鹿起以龍驤皇極建而錫福祖武繩而不
忘靈祇之所保綏蒼生之所平康縉紳之所敷納經綸之所弛
張行賚錫之盛典銘勳庸於太常迥超前而映後允咸帝而登

王謹作頌曰於鑠帝德四表光被踐義履仁敬天法地海晏河
清雙歧九穗穆穆聖皇勵精圖治克享天心允諧輿志大德曰
生大寶曰位斯道實光儀型畢備兆民賴之及億萬世

太上皇帝紀元周甲授受禮成恭賦

集文選句邑人牛曾受舉人

顯朝惟清曹植七啟繼續揚業劉歆移太常博士書仁風翔乎海表班固典引盛烈光乎重葉

造化權輿左思魏都賦淳耀六合陸機元其圖宣猷堂賦詩洪德施張衡西京賦皇歡浹班固東都賦聿

修祖宗之志千寶晉紀總論重熙而累洽班固東都賦大平之功王四子講德論與唐比蹤曹植責躬

繼詔夏司馬相如封禪文乘時龍班固東都賦遭千載之嘉會潘岳西征賦究皇儀而展帝

容班固東都賦宅中拓宇顏延之宋郊祀歌文則時雍曹植責躬詩握樞臨極王融策秀才文草偃風從

靜海縣志 戊集 人民部 三十八 靜海縣志書局 天津文竹齋印

聞王會之阜昌顏延之赫白馬賦圖皇基於億載班固西都賦穆將愉兮上皇屈平九歌

躡俗於仁壽之地王融策秀才文乃握乾符班固東都賦太上正位顏延之謙曲水詩則古昔而

論功班固東都賦踵義皇而齊泰曹植七啟遵彼承華陸機贈馮文熊詩儀辰作貳顏延之謙曲水詩開

元首正顏延之宋郊祀諫昇平之際曹植求自試表繼體承基張衡西京賦光有神器陸隱石闕銘昔在

帝堯之禪班彪王命論無今日之至治何晏景福賦冀以塵露之微曹植求自試表上陳景

福之賜王融三月三日曲水詩序喜歡無量應璩與從弟書頌曰盛哉乎斯世班固東都賦昔者司馬相如難對父老文

舒盛德司馬相如封禪文懋乾乾張衡東京賦中述祖則班固典引下沂八埏司馬相如封禪文敷文化

以柔遠王融三月三日曲水詩序養更老以崇年潘岳閑居賦符采彪炳左思蜀都賦武節是宣張衡東京賦

積威遐屬潘岳關中賦卷旆收鳶張協七命北指崑崙左思蜀都賦西盪河源班固東都賦信及

翔泳顏延之謙曲水詩潤以醴泉稽康養生論蓋以膺當天之正統班固典引前聖靡得言

焉班固東都賦於是皇澤豐沛王褒四子講德論旁魄四塞司馬相如封禪文稟元氣於靈和郭璞江賦

信聖祖之蕃錫顏延之赭白馬賦外綏百蠻班固東都賦保生萬國王融三月三日曲水詩序望翠華兮

歲黜張衡南都賦又沐浴於膏澤班固西都賦盛三雍之上儀班固東都賦總八方而為

之極班固東都賦時維篤類曹植賁躬詩子子孫孫揚雄甘泉賦金枝中樹顏延之末郊祀歌同量乾

坤曹植七啟謂之大寶潘岳西征賦以章至尊司馬相如封禪文方四三皇而六五帝何宴景福殿賦受

厚福以浸黎元司馬相如封禪文備皇居之制度何宴景福殿賦蒙聖主之渥恩王褒洞簫賦星

虹樞電劉峻辨命論不可殫論班固西都賦遂享皇極于寶晉紀總論斟洪範左思魏都賦君彼東朝

顏延之燕曲水詩乘茵步輦班固西都賦爰敬盡於一人王融三月三日曲水詩序百姓同於饒衍張衡東都賦

乃崇禮官班固西都賦乃為金策張衡西京賦見太上聖明王褒四子講德論上壽百二十稽康

養生論稱萬壽以獻觴潘岳開居賦而執玉帛者以萬國左思吳都賦倨佺之倫司馬相如上林賦

靜海縣志

戊集 人民部

三十九

靜海縣志書局 天津文竹齋印

千叟種德劉峻辨命論袞龍比象陸機漢高祖功臣頌金匏在席王融三月三日曲水詩序正體毓德於少

陽顏延之三月三日曲水詩序鳳凰來儀而拊翼成公綏嘯賦協靈辰揚雄甘泉賦順斗極揚雄長聖皇

紹祚潘岳關中詩五方率職顏延之赭白馬賦輦費踰嶂顏延之燕曲水詩越裳重譯應貞華林園集詩聖人

之大寶曰位李康運命論此君子所以自強不息也劉峻辨命論聖儀載佇顏延之三月三日曲

水詩序眷戀庭闈束皙補南陔詩能本而孝潘岳籍田賦為萬世規司馬相如難蜀父老文惟帝惟祖顏延赭

侯其禕而張衡東都賦休徵之所偉光左思魏都賦嘉美名之在茲潘岳西征賦察卑宮

於夏禹左思魏都賦慕唐虞之茅茨張衡東都賦下獻南山之壽王融三月三日曲水詩序人詠嘆

我之詩何晏景福殿詩鋪鴻藻班固東都賦揚洪輝班固東都賦整秋御張衡七命建華旗班固西都賦榮鏡

宇宙班固東都賦萬物熙熙司馬相如封禪文鳥奕乎千載班固東都賦蓋乃遭遇乎斯世也班固東都

同乎大順稽康養生論普天所覆揚雄長揚賦屢降瑞福王褒四子講德論延慶於後范蔚宗二十八將傳論

貝冑星羅王融三月三日曲水詩序並進輻湊者東方朔苦客難積靈祝而方多鮑昭舞窮賦窮山海

之瓌富孫綽遊台山賦其基德也張協七命上膺萬壽顏延之三月三日曲水詩序其垂仁也張協七命馨烈

彌發張衡西京賦是以愚臣徘徊於恩澤曹植上黃初應詔詩表且觀大化之瀉流王褒四字講德論

豫同夏諺顏延之謙曲水詩舉實為秋張協七命嘉祥徽顯而豫作左恩魏都賦餘糧棲畝

而弗收左思魏都賦都人仰而朋悅顏延之褚白馬賦必求宗於九疇王中頭陲寺碑文運鍾下

武王暹三月三日曲水詩序澤從雲游張衡東京賦宜命掌故司馬相如封禪文以闡大猷孔安國省書序其詞曰班固

惟清緝熙班固封燕然山銘熙帝載兮班固封燕然山銘於赫太上班固辟雍詩位厥對兮揚雄甘泉賦

業光烈聖顏延之謙曲水詩紛龐鴻兮于逸魯靈光殿賦皇極肇建應貞華林園集詩驛飛龍兮張衡南都賦

萬祥畢臻王褒聖主得賢臣頌冠衆藝兮稽康琴賦皇上纂隆陸雲大將軍議會被命作詩遇今世兮稽康琴賦風

雨玉燭玉融策秀才文雲飛揚兮揚雄甘泉賦春王三朝班固東都賦瑞穰穰兮揚雄甘泉賦揚采軒

靜海縣志

戊集 人民部

四十

靜海縣志書局 天津文竹齋印

宮謝莊月賦于胥德兮揚雄甘泉賦發祥流慶班固典引長無極兮揚雄甘泉賦

著作

清

雨花詩集

杜依中

古處堂集 四卷

高爾儼

剿匪圖說 二十四則印行於世

玄默

山雨樓文稿

高恒懋

崇古堂詩

高緝睿

鏡山閣偶存

齊魯詩

宮夢仁

松喬堂集 三卷

勵杜訥

靜海縣志

戊集 人民部

四十一

靜海縣志書局
天津文竹齋印

雙清閣詩稿 八卷

勵廷儀

咏雲齊詩集

杜其旋

恕堂甲乙遊 草淮壩集

宮鴻歷

謙受堂詩草

牛天宿

以文軒詩集

杜剛

菜香齋詩草

高肇培

致園詩草

施德寧

樂易齋文集

佟大任

通介堂詩稿

徐湛恩

剖瓠存稿 二十卷

蕭重

蕉窗存稿

袁正瑞

一瓢子詩草

毛士

四書語錄

五經註疏

三傳駁語 十二卷

夢蝶集說陶

浣花庵詩集

于役草

臥鵬樓詩草

拂雲軒詩草

靜海縣志

近月亭詩鈔

方寤集

毅菴集

周易約旨 一卷

周易思辨存參

詩經類考 四卷

釀花書屋 一卷

經易咫聞錄

讀史指掌

緹性粹言

戊集 人民部

四十二

靜海縣志書局
天津文竹齋印

杜昌言

王不黨

杜正灼

楊繼曾

李紀氏

劉泮

毛起鴻

袁正己

毛直

劉秉心

古今文考辨

藜經堂文稿

安雅堂詩賦 各一卷

詩經粹言

醉經堂綠淨軒公暇錄文集

詩韻辨音釋義 四卷

託空傳 一卷

臞鶴館詩文合鈔

鴻雪山房詩集

四書講義 一部

杜麟孫

張宗榜

劉仲箎

王榮第

邊國幹

劉湧濤

楊葆齋

邊齊賢

靜海縣志

戊集 人民部

四十三

靜海縣志書局
天津文竹齋印

周易贊 二卷

毛時敏

趨庭記 一卷

民國

潛子文鈔 四卷

高毓澎

潛子駢體文鈔 四卷

潛子詩鈔 十六卷

微波詞 一卷

春秋大事表補 二卷

讀左傳隨筆 一卷

共和詩 一卷

清詩三百首上編 六卷

投筆集箋 二卷

硯北小品 一卷

潛菴輯古佚書 十二卷

香草美人百咏 一卷

消夏室樂詠 二卷

翻譯小說各種

小學文字常識

魏隸別體集字

士女 高毓灃

陳家麟

元殿元

靜海縣志

戊集 人民部

四十四

靜海縣志書局
天津文竹齋印

褒詞

陸兆熊之褒詞 褒善行也

大總統褒曰旌揚雙闕榮名增篤行之光產輟千金俠骨播慈心之惠兼而有之難乎選已爾靜海已故陸兆熊生有至性人無間言吹笙譜白華之詩歡承舞彩溫席蜚黃香之譽職盡循陔風風人而雨雨人築杜工部庇寒廣廈衣我而食食我置范文正瞻族義莊梓里敬恭藝林矜式於戲敦百行者先乎孝推恩申錫類之思活千人者後必封為善食降祥之報書之青史光乃黃壚

李劉氏之褒辭 褒節孝也

大元帥褒曰沛相之表桓嫠號曰行義中壘之傳陳婦重其孝
思往籍所稱流風未泯爾直隸靜海縣李榮森之妻張劉氏生自
名門于歸士族奉盤匱以養志必敬必誠揚荆布之清儀克勤
克儉遭家不造茹荼蓼而猶甘矢志靡他勵松筠以逾勁哺崔
婦升堂之乳子職代脩授晏子納楹之書母儀克樹既彰懿行
宜錫殊榮於戲芬延席草彤史書賢詩詠柏舟邶風表節畀以
綽楔用式閨檐

靜海縣志

戊集 人民部

四十五

靜海縣志書局
天津文竹齋印

郝劉氏之褒辭 褒慈善也

褒曰丹穴邀懷清之榮台封巴婦魯國著全宗之譽人識義姑
兼而有之不可及也爾郝劉氏姆教夙嫻女宗共仰釵荆裙布
晏如也本來女中丈夫藥丸膽汁苦矣哉肇造河東家法又復
坤無吝嗇師號宣文繫石成橋洛陽留在官遺愛布金滿地祇
園作我佛慈悲行誼如斯褒揚允矣於戲誦杜少陵太夫人佳
句八座起居蜚葛妙眞女菩薩美名十方功德畀以楔綽熒乃
管彤

王劉氏之褒辭

褒節儉也

褒曰禮脩引過中壘傳其高風行義旌門桓嫠照其茂烈是以
大家女誠貞順兼賅鄭氏孝經德行爲重爾靜海王劉氏乃已
故王家俊之妻婦職咸脩女宗共仰挽車在手少君乃鮑氏令
妻畫荻傳心廬陵有歐陽節母葛妙真名高菩薩散盡黃金巴
寡婦望峻懷清輸將丹穴如此行誼允矣褒揚於戲芳流草席
彤史書儲婦之名志矢柏舟擗風着共姜之節作之坊表維乃
坤貞

靜海縣志

戊集 人民部

四十六

靜海縣志書局
天津文竹齋印

張侯氏之褒辭

褒節義也

大總統褒曰禮脩引過中壘傳其高風義行旌門桓嫠垂其茂
矩是以大家女誠貞順兼賅鄭氏孝經德行爲重爾靜海張侯
氏姆教夙嫻女宗共仰作姜詩之賢婦廣漢江清乳崔姓之衰
姑山南春永無何陶嬰歌苦潘岳詞單痛子咸之早亡懸蘿月
冷課廬陵之夜讀畫荻風高行誼如斯允矣褒揚於戲芬延草
席彤史書儲婦賢聲志矢柏舟擗風咏共姜大節作之坊表維
乃坤貞

田王氏之褒詞

褒懿行也

大總統褒曰巴婦封懷清之台名傳丹穴韋母坐宣文之帳望
重絳紗貨珥施仁斷機垂訓兼而有之尤足異也爾靜海田王
氏生有善行無間人言功德修孤獨之園布金滿地名勝蒼洛
陽之景參石成橋是女丈夫裙布釵荆晏如也創河東家法藥
丸膽汁習爲之行誼如斯褒揚允矣於戲劉中壘作列女之傳
四德兼全葛妙真有菩薩之稱一鄉推許畀以楔字焯乃管彤
尙其敬承副茲寵錫

靜海縣志

戊集

人民部

四十七

靜海縣志書局
天津文竹齋印

司法志

縣爲民刑訴訟初級審檢機關民國前縣長自兼之後司法獨立添承審一員專司其事吾國司法界之書役舞弊黑暗層層久爲各國之冠有一言可決之事而纏訟至數年不休者革命成功之後稍加改革然地獄式之監牢依然屹立因株連而破產時有所聞以言司法誠難志矣幸志例有褒無貶故謹錄看守所規則四條使吾民共遵之或有司法清明之一日也

看守所

第一條 看守所爲羈留刑事被告人之所

看守所須嚴別男女所

靜海縣志

亥集 政事部

三

靜海縣志書局
天津文竹齋印

第二條 受宣告死刑者於看守所監禁之

被處徒刑及拘役者依監獄法令暫禁於看守所時準用監獄法令之規定

第三條 看守所由高等法院院長監督之但高等法院院長得以其監督權委託高等法院分院長及地方法院院長
第四條 看守所待遇被告人須與平民同但有碍於審判進行及所中紀律者不在此限